

SCRIPT OF MORNING GOJRI NEWS BULLETIN 6NOV 2025

1015HRS

مارننگ گوجری نیوز بولیٹن 6 نومبر 2025

یوہ آکاشوانی جموں ہے عبدالرحمان تیں خبر سُنو۔

LG JK PEACE

لیفٹیننٹ گورنر منوج سنہا نے کل کہیو ہے جے پچھلہ 5 براں مانہہ جموں کشمیر نانہہ پُر امن ترقی پسند تے خوشحال بنان واسطے بڑی قربانی دتی گئی ہیں اُنہاں نے سماج غا تمام طبقات نانہہ اپیل کی ہے جے وے اُن عناصر غے کلاف متحد ہو جیں جہرہ امن مانہہ خلل کہلن غی کوشش کر رہیا ہیں لیفٹیننٹ گورنر منوج سنہا نے ان گلاں غو اظہار ایک بین العوامی بزم مذاکرہ مرکزی زیر انتظام علاقہ جموں کشمیر مانہہ امن عوام تے ممکنات سنگ خطاب کرتا واں کہیو اپنا خطاب مانہہ لیفٹیننٹ گورنر نے جموں کشمیر غا ایک نواں نظریہ ور گل کی جھڑو پُر امن خوف تیں آزاد خوشحال تے متحد وے تے جس مانہہ ہر شہری با اختیار وے تے بھارت غی ترقی تیں فیضیاب وے۔

LG BOOK RELEASE

لیفٹیننٹ گورنر منوج سنہا نے کل اردو شاعری غی 2 کتاباں دھوپ چھاو ے میں تنہائی میں سوچتا ہوں غو اجراء کیو ہے جھڑی پدم شری ڈاکٹر جتندر ادھمپوری نے لکھی ہیں یاہ تقریب راج بھون جموں مانہہ منعقد ہوئی لیفٹیننٹ گورنر نے ان کتاباں گا مصنف نانہہ مبارک باد دتی تے اُنکا مستقبل اگ ادبی کماں واسطے نیک تمنا گو اظہار کیو۔

BIHAR GUV KMR CROWN

ریاست بہار غا گورنر عارف محمد خان نے کل کشمیر ناہہ بھارت غو تاج تے علم و دانش غو ابدی مرکز قرار دتو شیر کشمیر بین العوامی کنونشن مرکز یعنی ایس کے ائی سی سی سرینگر مانہہ ایک تقریب مانہہ شمولیت تیں بعد ذرائع ابلاغ سنگ گل بات کرتا واں جناب خان نے کہیو ہے جے کشمیر اُنہاں غا دل مانہہ ایک خاص مقام رکھے اُنہاں نے کہیو ہے وے یوہ کسے نانہہ خوش کرن واسطے یا رسمی طورور نہیں کہی رہیا ہیں بلکہ دل سنگ کہ رہیا ہیں جے کشمیر مہارا ملک غو تاج ہے گورنر موصوف عارف محمد خان نے دسیو ہے مہارہ سنسکرت ادارا مانہہ ڈگری حاصل کرن تیں پہلاں طلباء نانہہ علامتی طورور چمد قدم کشمیر در چلن بارے کہیو ہے۔

RANA DEV REVIEW

وزیر جل شکتی جاوید احمد رانا نے کل راجوری مانہہ ایک اہم میٹنگ کی جس مانہہ ضلع مانہہ جاری ترقیاتی کماں تے پانی غی سکیمیں غی پیش رفت بارے جائیزو لیو۔ میٹنگ غے دوران، جناب رانا نے جل جیون مشن، کپیکس بجٹ تے نیاڈ فنڈنگ غے تحت چل رئی پانی غی سکیمیں نانہہ تیزی تیں مکمل کرن ور زور دتو گیو۔ اُنہاں نے ہدایت دتی کہ ان منصوباں نانہہ وقت ور مکمل کیو جے تانجے ہر گھر نانہہ ہر گھر جل سکیم غے تحت مل غے ذریعے پین گو ساف پانی فراہم کیو جاسکے۔ وزیر نے

کہیو کہ تمام ترقیاتی کماں غی رفتار بدھائی جے تانجے فنڈ غو صیح استعمال وے تے
کوئی رقم ضائع نہ وے۔

JAMU SGR RAIL

جموں کشمیر مانہ ریلوے رابطہ غا برا سنگ میل در قدم چاتاواں، شمالی ریلوے نے
جموں صوبہ مانہ کم غی رفتار تیز کرلی ہے تانجے جموں تے سرینگر غے بشکار براہ
راست ریل خدمات شروع کی جاسکے۔ آکاشوانی جموں گانماندہ غے مطابق، فی الحال
جہڑی ریل کٹرا ضلع ریاسی تے سرینگر توڑی چلیں، وہ جلد ہی جموں ریلوے
سٹیشن تیں شروع ویں غی۔ ریلوے غا اعلیٰ افسر نے دسیو کہ اس براہ راست خدمات
واسطے کم جاری ہے، جموں سٹیشن ور پٹریاں تیں متعلق کم تقریباً مکمل ہو چکو ہے۔
جد کہ نوا پلیٹ فارم تے اسٹیشن غی عمارتاں گو کم آخری مرحلہ مانہ ہے۔

BABBAR VALLEY

معروف بالی وڈ اداکار تے سیاست دان راج بیر نے گزشتہ روز کہیو کہ انہاں نانہ
کدھے وی کشمیر غیر محفوظ نی محسوس ہوو۔ انہاں نے کشمیر نانہ محبت، امن تے
گرمجوشی گی سرزمین قرار دتو۔ راج بیر نے کہیو کہ وادی نے اُن غا فلمی کیرئیر نانہ
سنوارن مانہ ایک اہم کردار ادا کیو ہے گلمرگ غا سیاحتی مقام غا دورہ غے دوران
صحافیاں تیں گل بات کرتاواں انہاں نے یاد کیو کہ اُن غی بہت ساری فلم غی شوٹنگ
کشمیر مانہ ہوئی تھی۔ راج بیر نے کشمیری عوام غی مہمان نوازی غی تعریف کرتا
واں کہیو کہ وہ ہمیشہ
ات خود نانہ محفوظ تے خوش محسوس کریں۔

YOGASANA SPORTS

واں جموں کشمیر مرکزی زیر انتظام یوگا سنا اسپورٹس چیمپین شپ 2025-26 غو آغاز 6
گزشتہ روز سرینگر غا انڈور سپورٹس ہال، پولو گراؤنڈ مانہ ہوو۔ اس مقابلہ مانہ، چھوٹا
عمر گا بچہ، درمیانی عمر گا بچہ تے تجربا کار کھیڈاری شامل ہیں، جس گو نعرہ ہے،
میرا نوجوان، میرا فخر۔ یاه تقریب جموں کشمیر یوگاسنا اسپورٹس ایسوسی ایشن غی
جانب تیں منعقد کیا گیا ہے تے جے اینڈ کے اسپورٹس کونسل نے اس نانہ سپانسر کی و
بے مقابلہ 7 نومبر 2025 توڑی جاری ریں گا۔ اس دوران نکہ بچہ تے بچیاں غی ٹیمیں غا
انتخابی مقابلہ وی ویں گا، جہڑو مہاراشٹرا مانہ ہون آلا نیشنل چیمپین شپ مانہ جموں
کشمیر غی نمائندگی کریں گا۔

WEATHER

گزشتہ روز اُچا پہاڑی علاقان مانہ ہلکی تے درمیانہ درجہ غی بارش تے برف باری
تیں بعد، محکمہ موسمیات نے اج تیں 16 نومبر توڑی جموں کشمیر مانہ موسم خشک
رہن غی پیش گوئی کی ہے۔ آکاشوانی جموں گانماندہ غے مطابق، تازہ پیش گوئی ہے
کہ اج تیں علاقہ مانہ موسم پُر سکون تے خشک رے غو جس تیں رہائشیاں نانہ
راحت لبے غی تے کاشتکاری اچھی وے غی۔ پیش گوئی مانہ مزید کہیو گیو ہے کہ
17 تے 18 نومبر نانہ آسمان جزوی یا مکمل طور ور ابرآلود ہوسکے، لیکن کسی وی
قسم غی کانے موسمی سرگرمی غی اطلاع نی ہے۔
